

Ո Ր Ո Շ ՈՒ Մ N 21

(մաքսային վճարների գանձման վերաբերյալ)

27 նոյեմբերի 2015թ.

ք. Երևան

ՀՀ ՖՆ ՄՃՓ տ/մ պետ Հ. Ստեփանյան, ուսումնասիրելով «Ջիֆեքս» ՍՊ ընկերության (ՀՎՀՀ 00445587, պետ. գրանցման համար թիվ 278.110.03892) կողմից 14.11.2014թ. թիվ C-13471 ՄՀ-ով «Ներմուծում» ազատ շրջանառության համար» /ներկայումս <<Բացթողնում» ներքին սպառման համար>>/ մաքսային ընթացակարգով ձևակերպված սարքավորման մաքսային ձևակերպման փաստաթղթերը,

Պ Ա Ր Զ Ե Ց Ի

«Ջիֆեքս» ՍՊ ընկերությունը 14.11.2014թ. թիվ C-13471 ՄՀ-ով «Ներմուծում» ազատ շրջանառության համար» մաքսային ռեժիմով հայտարարագրել է սարքավորում, որի ավելացված արժեքի հարկի վճարումը, ըստ վերը նշված մաքսային հայտարարագրի, հետաձգվել է մինչև 14.11.2015թ., սակայն ընկերությունը սահմանված ժամկետում չի վճարել այդ ռեժիմով նախատեսված ավելացված արժեքի հարկը: Հայտարարագիրը 17.11.2014թ.-ին ընդունվել է մաքսային մարմնի կողմից (թիվ L-11395): Հայտարարագրի ընդունման պահին գործող ՀՀ ՄՕ 25-րդ հոդվածի համաձայն՝ «Ներմուծում» ազատ շրջանառության համար» մաքսային ռեժիմը կարգավորում է ապրանքների և տրանսպորտային միջոցների ներմուծումը ՀՀ մաքսային տարածք՝ առանց հետագա արտահանման պարտավորության: Մաքսային այս ռեժիմի շրջանակներում օրենքով սահմանված չափով և դեպքերում գանձվում են մաքսային վճարներ: 14.11.2014թ. թիվ C-13471 ՄՀ-ով հայտարարագրված ապրանքների համար ենթակա է վճարման ԱԱՀ և տույժ՝ սահմանված ժամկետում ԱԱՀ-ի գումարը չվճարվելու համար:

«Մաքսային կարգավորման մասին» ՀՀ օրենքի 89-րդ հոդվածի 1-ին կետի համաձայն՝ մաքսային վճարներ են համարվում մաքսատուրքը, մաքսային մարմիններին վճարվող ավելացված արժեքի հարկը, ակցիզային հարկը և մաքսավճարը: Իսկ «Ավելացված արժեքի հարկի մասին» ՀՀ օրենքի 6.1-րդ հոդվածի 1-ին մասի 5-րդ պարբերության համաձայն՝ սույն հոդվածի նույն մասին համապատասխան հետաձգված ԱԱՀ-ի գումարները ենթակա են վճարման պետական բյուջե մինչև ժամկետը լրանալու օրը: Նույն հոդվածի 3-րդ կետը սահմանում է, որ սույն հոդվածի 1-ին և 2-րդ մասերով սահմանված ժամկետում ԱԱՀ-ի գումարները չվճարվելու դեպքում օրենքով սահմանված տույժերի հաշվարկումը և այդ գումարների նկատմամբ հսկողությունն իրականացնում է մաքսային մարմինը: «Մաքսային կարգավորման մասին» ՀՀ օրենքի 115-րդ հոդվածի 2-րդ կետի համաձայն՝ մաքսատուրքի, հարկերի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար վճարողից գանձվում է տույժ՝ ժամանակին չվճարված մաքսատուրքի, հարկի գումարի 0,15 տոկոսի չափով, բայց ոչ ավելի, քան 365 օրվա համար:

Հիմք ընդունելով ՀՀ ՖՆ ՄՃՓ տ/մ ԳՀՀԲ 24.11.2015թ. տեղեկանքը՝ «Ջիֆեքս» ՍՊԸ-ի կողմից թիվ C-13471 ՄՀ-ով հայտարարագրված սարքավորման համար ՀՀ պետ. բյուջե ենթակա է վճարման **2536046 ՀՀ դրամ**, որից **2498568 ՀՀ դրամ** ԱԱՀ և **34478 ՀՀ դրամ** տույժի գումար:

Ելնելով վերոգրյալից և ղեկավարվելով «Ավելացված արժեքի հարկի մասին» ՀՀ օրենքի 6-րդ, 6'-րդ հոդվածներով, «Մաքսային կարգավորման մասին» ՀՀ օրենքի 115-րդ հոդվածի 2-րդ կետով և «Վարչարարության հիմունքների և վարչական վարույթի մասին» ՀՀ օրենքի 53-րդ և 58-րդ հոդվածներով՝

Ո Ր Ո Շ Ե Ց Ի

1. «Ջիֆեքս» ՍՊ ընկերությունից հօգուտ պետբյուջեի գանձել **2536046 ՀՀ դրամ**, որից **2498568 ՀՀ դրամ** ԱԱՀ և **34478 ՀՀ դրամ** տույժի գումար:

2. Որոշման մասին օրենքով սահմանված կարգով տեղյակ պահել «Ջիֆեքս» ՍՊ ընկերությանը /հասցե՝ ք. Երևան, Չեռնիշևսկու 72տ/:

Որոշումն ուժի մեջ է մտնում այն սրանալու պահից և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով վարչական դատարան:

Որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտական հաշվին:

ՄՃՓ տ/մ պետ

Հ. ՍՏԵՓԱՆՅԱՆ